



00075

李文恭公詩集卷三日錄

八里山
湘陰李星沅石梧著

男
桓
編次

椀

五言律詩

丁丑元日

水月林夜坐

江干步月訪家可北不遇

秋日懷吳一瓊仙

李文恭公詩集

卷三日錄

宿旅店書壁

曉發

夢瀛秋弟却寄

子屢夢中見丙子笙愉貌忽忽不憚若有惜別之

苦率書一律慰之

鳳灘

九里山

涪州晚泊



六月十四夜作三首

立秋公亭

雲陽道中

自柘木圍至歸州

龍窩對月登夔峽賦過訪

自枝江至沙市

登岳陽樓次陶雲汀師題壁原韻

過洞庭

李文恭公詩集

卷三目錄

抵家

夜起

卽事

將之資陽登舟作

對月懷笙愉

重陽二首

游裴公亭

夢游山寺得中四句遂卒成之

把劍吳山亭

贈覺上人
謝文齊徵明事吳贈四首

冬夜懷秦半魯

久雨
四首

四月八日喜郭芝昡過訪
二首

驟雨
風抄

朗川晤王雲樵徵士

卽景

李文恭公文集 卷三目錄

望桃源

登漳江閣

遇大風作

舟中見月有懷
文淵閣藏書

大油溪

卽席有贈
半魯

次裴芥舟廣文夜游卽事原韻
四首

晚登見江亭

贈譚醒漁少尹 四首

書蔡黃樓兩湖小樂府後

贈別譚醒漁

和李竹溪師紀游 二首

長至寄笙愉 二首

立春試筆偕笙愉作

題朱嘯厓彈琴嘯月圖集王摩詰句 三首

再贈杜時山

李文恭公詩集

卷三目錄

四

長至湖上寄笙愉

漢上寄胡問鷗 二首

自嘉魚解纜遇大風作

武昌訪蔡黃樓不果

夜起有懷

渡黃河

車中雜詩 六首

汶上遇雪

石門文滄

鄴下懷建安諸子

江上懷羅三荆畦明用時問劉東朱同木韻

洞庭湖情辭會之

和笙愉秋夜寄懷原韻

沅州道中情辭會之
四首

曉過瀘溪情辭會之

月夜泛舟

李文恭公詩集 卷三目錄

五

夢杭兒

和郭芝畹見懷韻

孫邵吾客新平以詩見懷依韻會之 四首

和朱同木見懷韻四首

同木以詩招飲會之

送勞次山之巴陵卽用胡問鷗東朱同木韻

夜坐柬王孟巖

花朝夜飲

芝畝下第詩以慰之卽和其游麓山韻二首

畱別長大子明四首

懷賀虎師

鴨闌磯曉發

命典泊黃陵廟四首

題李海帆觀察海上釣鼇圖四首

題陳景初二尹武陵集

題蝸寄圖

李文恭公詩集

卷三目錄

六

題乘風破浪圖

題湯海秋儀部詩卷

奉

命典試四川恭紀四首

白河曉發

山行四首

霍山曉行四首

自杜鎮至樊橋四首

自武功至扶風

弄玉吹簫臺

棧道紀行 二十首

沔縣謁武侯祠

初入成都

忽覺

興平道中

故關

李文恭公詩集

卷三目錄

題蔣小榭小紅雪樓圖

喜楊芝樵至用寄羅荆畦韻

題厲冠卿太守七世讀書圖

題姚庶常遺照

夢得起句卒成

樂昌道中

小舟戲柬笙愉

白馬瀧

韓瀧
賦咏吳江山館董贈

小舟撥悶

曉行
餽刺蘇東

生春詩
二十首

續和
十首

游金山題壁
四首

甲辰秋闈贈主試甘薪圃太史
二首

贈主試陳子嘉太史
二首

李文恭公詩集

卷三目錄

八

邢臺懷陳海陽

送羅五芝麓還長沙
二首

別吳門同官諸子

舟過鎮江

廣濟道中
二首

武昌贈陳花農

東道

萬年庵和吳荆山前輩韻

別大姊二妹

別兩弟

辰龍關

安順道中感察仍用袁浦泛月韻

白水河望瀑布圖

郎岱道中

松歸關

題歸易民傳笏圖

李文恭公詩集

卷三目錄

題謙谷上人梯山航海圖

贈于蓮亭前輩將游茅山

送黎樾喬侍御南歸

自題袁浦泛月圖

答法可盦觀察仍用袁浦泛月韻

辰龍關

安順道中

白水河

李文恭公詩集卷三

五言律詩

紫皇騎玉龍
貽我雙青童
相逢似相識
二十度春風
醲酒霞漿碧
燈花雪案紅
願持千歲葉
言壽九華宮

夜色涼如水
懷人欲二更
樹疎鴉有夢
香散佛無聲
詩思先秋冷
禪房得月清
呼奴重煮茗
相對酌幽情

李文恭公詩集

卷三

五言律詩

一

思於江干步月訪家可北不遇
江月扶雲出山光聚一亭
人家圍遠樹漁火散疎星
言訪龐公宅幽棲戶已扃
徘徊歸路晚烟外數峰青

故人不可見十日秋陰生
歡會尙如昨他鄉空復情
檐端積寒雨暝色隱孤城
撫景一搔首哀鴻唳遠征

正言宿旅店書壁

燐火照荒邨
鐘尋到門
雨聲敲夢碎
風勢挾濤奔
羅

帶啼山鬼楓林泣暮猿隔窻起長嘯生恐是吟魂

曉發

曉起入天半狂游得未曾濕雲忙似鳥亂石禿如僧訪
寺留題少披衣宿霧蒸昔賢驅九折吾亦願飛騰

夢瀛秋弟却寄

廿載姜家被曾無一夕孤北風吹短褐落日在長途憶
汝嵇康懶兼之辛大迂五溪魂夢裏猶爲共踟躕

予屢夢中見內子笙愉貌忽忽不擇若有惜別

李文恭公詩集

卷三

五言律詩

二

之苦率書一律慰之

迢遞千山別叮嚀一紙書晨昏勤奉母眠食莫愁予擁
髻花開候題詩月上初不堪頻夜夢何事淚盈裾

鳳灘

灘勢盤渦曲胡爲以鳳名舟從巖際落石與亂流爭山
負拳篙力天昏轉柁聲風波仗忠信聊自問平生

九里山

突兀一山上紆迴九里程雲穿猿臂落石鑿虎牙撐蒨

草翻殘照棕花襯晚晴幾家推髻女背榼唱行行
涪州晚泊

涪州今夜宿寒色上江船水遠樓烟重山高得月先拆
聲醒旅枕鄉思逼殘年不見飛鴻過虛裁錦字箋
六月十四夜作

月色四千里離心一夜生不知何處笛吹動故關情泥
爪留行跡刀頭望遠征徘徊正無限涼露下三更
舊事如今日新人憶去年香羅拳袖薄粉莉壓釵偏綠

李文恭公詩集

卷三

五言律詩

三

瀉瓊卮酒青鋪雪浪箋瑣窻簾不落畱與話團圓
聚散渾閒事悲歡祇自知烟痕欹樹密鐘響渡江遲劍
欽巴山道鱗鴻楚水涯嫦娥解人意兩地照相思

立秋十四夜作

一葉辭桐樹蕭蕭井檻頭故園又秋信客子在江州冰
簟懷前夢金釵卜遠遊天階風露永莫更倚南樓

雲陽道中

道出巴陽峽雲安此一隅環山起城郭傍水雜屠沽絃

管聞仙吏帆檣入畫圖早春香米酒何處喚提壺

自柵木圍至歸州玉壘春寒鬢霜如小昔山民

巫峽連雲斷天光漸漸寬江明人影亂山暮燒痕殘路
指歸州闌歌終蜀道難猶聞傳險語破曉下新灘

夫年會龍窩對月

一夜江干月團圓奈客何春燈圍蟹舍村鼓賽龍窩歸
思三湘近年光一瞬過劇憐妝閣畔閉坐感雙蛾

小謝文自枝江至沙市

李文恭公詩集

卷三

五言律詩

四

小艇支願坐風徐浪不聞曉烟千樹合江水一支分人
語喧沙市漁歌答浦雲君山青可接打鼓弔湘君

登岳陽樓次陶雲汀師題壁原韻

夫子曾游處高歌幾度秋我迴湘浦權重上岳陽樓風
日開晴幌江山入海漚五雲搔首望迢遞動離愁

過洞庭

艣唱白雲間重湖載酒還狂懷吞夢澤醉眼小君山月
色一千里湘流卅六灣憑將好風力飛送到彤關

抵家

老屋認長沙平安一室誇慈親常健飯弱弟解持家蜀
國新詩草春天舊院花壯游成底事回首惜年華

夜起

白露下黃葉霜寒生客衣馬鈴搖斷夢蛩語咽清幃良
好念之子勝游相與違何時一尊酒情話欵荆扉

卽事

四壁靜無譁蕭然處士家雪深人沒脛冰凍樹生牙袖

李文恭公詩集

卷三

五言律詩

五

手詩情減澆腸酒量加巡檐誰索笑閒煞小梅花

將之資陽登舟作

又放扁舟去寒光滿大隄冰花迎櫂合雪絮壓篷低凍
閣人聲寂溪沈暝色迷白鷗吾羨汝閒煞水田西

對月懷笙愉

月色淨如許浮空斂夕氛美人隔秋水清夢落湘雲入
破誰家笛淒其不可聞團圓期已近莫惜玉斂分

重陽

催租人不到令節幾相忘秋老詩逾淡林深夢亦涼落
霞棲遠浦疎柳挂斜陽怕上高臺望前峰似故鄉
丹楓出雲際白雁下江皋破寂鐘聲晚攻愁酒力豪山
容如客瘦爽氣覺天高畢卓空垂手從誰索鱓螯

游裴公亭

黃葉忽然落碧雲相與深林巒抱秋色竹樹俯庭陰樵
唱入山響炊烟隔水沈裴公遺跡在覽古愜幽尋

夢游山寺得中四句遂卒成之

李文恭公詩集

卷三

五言律詩

六

蠟屐訪山寺巖棲別有天楓林濃似畫竹屋小如船流
水出寒澗斜陽入暝烟蒲團人對久靜極欲逃禪

把劍

把劍忽長嘯風塵孰可宗鹽車輕善馬畫稿誤真龍雅
韻無如俗奇才只在庸那能登泰華雲海盪心胸

贈覺上人

五戒如塵縛三乘得解無講經天雨散出岫暮雲孤貝
葉緘香寫梅花倩月扶浮生輪慧業約伴坐跏趺

漏響傳銀箭嚴寒覺杪冬碧天流夜月清夢入霜鐘萬
籟靜如許幽人隔幾重待攜尊酒過情話倚孤松

久雨

十日雨滂沱靈占豕涉波雲封暘谷暗月暈畢星多曲
砌循苔蘚高墻倚薜蘿漏天今宛在鍊石補應訛
蠟屐聲喧午曾無客到門琴牀回石潤衣褶卧霉痕寒
亞清明重陰連白晝昏登樓聊望遠暮色在江村

李文恭公詩集

卷三

五言律詩

七

野外行人渡舟橫喚不磨潮生衝蟹斲風定續漁燈鐘
杅響俱寂溪橋勢欲崩關心農作後秧馬徧田塍
卑濕長沙地何堪積晦兼泥鬆盤蚓出壁腐篆蝸黏綠
積槐安蟻青紫竹上鮎仗誰勤變理辛苦問窮簷

四月八日喜郭芝暉過訪

昔別鬼挪揄今來選佛俱春秋俄隔歲去住幾須臾目
論空餘子心知感故吾與君拚盡醉遑問酒錢無

磊落如吾輩乾坤放眼開炎趨皆熱劫肉食半庸才歲

月羞萍寄功名卜芋煨辰關重杖策駮馬寄詩來
驟雨
一雨下滔滔青天匹練高聲嚴長勺鼓勢壓廣陵濤
急催銀箭巖傾瀉石槽飛空神物在吾欲跨金鼇

朗川晤王雲樵徵士
客裏重逢客表回感不勝雀風殘暑退鴻雪舊游曾
聚虹迷岸城高月射燈莫須訪三雅酒量未容升

卽景

李文恭公詩集

卷三

五言律詩

八

築屋依山脚開門對水涯瓜牽三里蔓竹護數叢花樹
密蟬逾靜籬踈犬不譁蒼苔隨意坐掃葉試烹茶

望桃源

滄烟凌夕起石塢在中洲雲壓山陰重江推日影流深
林乍歸鳥細草尙眠牛指點桃源近芳磯暫泊舟

登漳江閣

暮色臨江迴浮空傑閣青漁梁踈雨滴鯁市晚風腥宿
火明官堠荒烟接驛亭勞勞川上過塵夢幾時醒

閣西有川

亭上

遇大風作

月黑壞雲垂馮夷浪倒吹石鐘撞岸急鐵索繫舟危水
力迴奔馬風聲撼簾箕臨淵展犀照神怪有蛟螭

舟中見月有懷

明月如憐我相隨過朗川願教千里共忍憶向時圓畫
舫停長水羅幃伴獨眠夢中歸路近還照綺窓前

大油溪

此地前有議開礦者陶雲汀師時
在諫垣以逼近苗疆奏請封禁

李文恭公詩集

卷三

五言律詩

九

天朝無帥使地寶在荒山符瑞書全闕金銀氣自閒道
捐三品貢令肅五溪蠻頽上防邊事霜威想豸班

卽席有贈

丫角仍嬌女胡爲蕩子行飄零如此輩苦惱定前生頰
上霞初暈眉彎月未盈琵琶斜抱處一片可憐聲

次裴芥舟廣文夜游卽事原韻

出郭興飄忽奚囊載月行雲平鋪練影風細引鐘聲天
宇淨如拭秋懷閒自生勝游當永夕莫問短長更

路轉飛虹曲，隔橋聞暗香。繁花開馥郁，古幹立青蒼。坐
久俗累遠，心清書味長。昔人傳手植，轉瞬百年強。
二老各天趣，鳶魚信所之。熱銷炎海劫，冷鬥雪霜姿。禪
榻醒初夢，茶香瀹妙思。虎谿談笑劇，相對共忘疲。
我亦江湖客，擔簦合舊緣。不才居弟子，無事學神仙。浪
跡隨鷗鷺，幽棲愛鶴眠。凭闌招桂魄，今夕肯重圓。

晚登見江亭

杖藜人不見，今古此亭留。明月穿林出，空江入夜浮。桂
華三徑露，柝響一城秋。臨眺餘清興，提壺約再游。

贈譚醒漁少尹

天闕竟陵派，茫茫二百年。大文終不死，嗣響到今傳。俯
仰雜悲喜，高曾相後先。聖童馳譽早，拔地欲飛仙。
忽作楚南行，騰空虎劍鳴。風塵容更隱，科目誤才名。湖
水吸將盡，君山剡未平。壯游椽筆在，題徧馬王城。
辰陽今夕住，執手共長歎。知過千秋少，英雄一飯難。宦
途增閱歷，世味感辛酸。太息張夫子，淒風白屋寒。

更剪西窓燭黃樓夜欵關交情流水淡詩思暮雲間客
月照鄉夢蠻天開笑顏清狂隨落帽何處不龍山

時值重九

書蔡黃樓兩湖小樂府後

熱淚灑江湘重溫屈宋香千秋三歎息一字九迴腸餘
響答風雨奇情鑿混茫舉瓢飲金闕招我酌天漿

請岳林贈別譚醒漁

一具湖語賦鳳鸞草

相聚忽相別相思可奈何秋風催短棹夕照下長河岸
偏危峯仄灘迴怪石多朗川如寄訊天外雁聲過

李文恭公詩集

卷三

五言律詩

十一

和竹溪師紀游

天衣風華盛

打漿問前渡溪流黃葉紛月光低墮水石氣細生雲鬢

語沿村辨樵歌隔浦聞臨風一長嘯驚起鳳鸞羣

小憇詢遺叟山居早閉門新炊商米價老樹滅刀痕俗

儉風猶古時清夢不昏百年太平福飲水各思源

長至寄笙愉

鵲噪如春曉瓊閣乍理妝遠山描黛色初日掠釵光刺
繡慵添線薰衣靜燕香若蘭詩好寄飛雁到辰陽

肯負歸來約天涯又歲殘風塵雙劍伏雨雪一燈寒旅
食炎涼慣依人去住難綺窓梅發未遲我並肩看

立春試筆借笙愉作交則未韻猶笑泚黃金
舊識東風面重來感歲華貧仍豪士態春占野人家書
味濃于酒詩情艷勝花小窓清課永遲日上紅紗

題朱嘯厓彈琴嘯月圖集王摩詰句
坐看蒼苔色遙望白雲端澗戶寂無人鳴琴候月彈秋
空多清響修竹自檀欒靜言深谿裏氣與風露寒

李文恭公詩集

卷三

五言律詩

十一

孫登長嘯臺悵然吟式微今子方豪宕勿謂知音稀俛
仰天地間豈令心事違故鄉不可見復送何人歸
良會詎幾日祖帳已傷離望望行漸遠終自長相思歲
晏同攜手却憶山中時請畱盤石上與君賦新詩

再贈杜時山
此會足千古臨岐慨歎深結交傾赤膽談笑却黃金窮
鍊詩人骨豪拔俠士心寥寥山水契絃外託知音

長至湖上寄笙愉

強道此行樂其如遠別何
柁移湖水小旗戰朔風多
鄉思隨蓬轉年光漸墨磨
知卿慵刺繡長日歛修蛾

漢上寄胡問鷗

曾作淮川客清尊十日狂
溪山朝蠟屐風雨夜聯牀
石倚蕉花韻衣霜竹粉涼
同心人促坐小住卽家鄉
一別忽如此征塵悵遠天
獨看楓浦月可憶漢陽船
歲晚遲詩債宵長結夢緣
南雲頻佇目好寄雁頭箋

自嘉魚解纜遇大風作

李文恭公詩集

卷三

五言律詩

七

一船奔夏口風浪大江橫
帆影齊天影雷聲變水聲
安危孤柁轉去住亂流爭
還向嘉魚泊頸增旅客情

武昌訪蔡黃樓不果

何處中郎宅琴聲不可聞
落霞孤艇亂夕照大江分之
子如黃鶴相思空白雲
天涯才咫尺搔首歎離羣

夜起有懷

酒醒渾無那推蓬夜氣微
戍樓孤柝警漁火一星飛
今夕長沙月流光入繡幃
不勝懷遠別江上信音稀

渡黃河

邊馬嘶官渡黃流動地來驚風飛石捲落日大荒開星
宿探神海泥沙觸怒雷河防願安汎憑仗濟時才

車中雜詩

鄉夢不知處荒鷄一片聲騾綱搖月落狐火雜星明白
草藏林屋黃沙亂驛程傲裘霜雪冷努力事宵征
高下卧行輒雙輪震盪間泥深防滑滑車響答班班天
遠日無色湖平雲不閉邳州戰爭地今古此殘山

李文恭公詩集

卷三

五言律詩

十四

曾北桂苻警蘆叢黑徑孤民窮甘草竊火急下公徒斥
埃傳更肅戈鋌夾轡趨大官今露冕沈痼漸能蘇
斥鹵濱青海牛耕不見春麥苗時被水村落忽逢人土
薄芸生儉年荒菜色貧關心勤撫字吾亦歎勞薪
午集兩三店炊烟約畧青杯盤蠅篆古粥飯馬溲腥雪
積湯難沃風乾酒易醒解鞍愁向夕十里市門扃
長日車箱坐真堪偈仄何艱難肱幾折轉側髻相磨馬
瘦芻芟少奴癡疾病多褰帷聊破寂好友結吟窩

汶上遇雪

雪意閣林杪蘆花生暮寒數家近城郭一水護沙灘人
語市中靜鴻飛弋者難重尋高蹈意回首泰雲端

石門

天地誰知已蒼黃一宿過長門頻歎息初日下林阿野
曠行人少城危亂石多濁醪拚盡醉覽古發高歌

鄴下懷建安諸子

七子今誰在文章數建安南皮冠蓋杳北渚酒尊寒權

李文恭公詩集

卷三

五言律詩

五

重論交易才高擇主難荒坵半榛棘無地屬曹瞞

江上懷羅三荆畦

江水一千尺交情爾許深唾壺今古恨餐飯弟兄心雄
劍出真氣清琴餘大音七年歡會少別賦忍低吟

洞庭湖

一碧盪湖水軒轅何處臺山危孤髻聳風定萬帆開雲
影擘飛絮天光入酒杯魚龍須穩護行子日邊回

和笙愉秋夜寄懷原韻

水落一江淺雲連萬壑深今宵望明月何處響清砧少
婦機絲恨殘秋關塞心詩箋不成和聊與慰知音

我輩駐沅州道中

鳳歌詞軍議日或謂夢筆書圖

銀箭走喧逐雙橈劈石開江昏萬峯逼雷動一灘來詩
思摩天險鄉心逐歲回渡頭斜日上殘雪照溪梅

曉過瀘溪

晴巖隱故壑
晴巖隱故壑
晴巖隱故壑

小舟穿罅出初日擁雲行厓石側將墜灘流剗不平林
猿如送客水鴨自呼名漸覺春風近瀘溪青菜生

李文恭公詩集

卷三

五言律詩

六

夜月泛舟

江明帆影亂人定笛聲柔

一夜西湖口清流送客船江明帆影亂人定笛聲柔
艣出烟際殘燈隱澗邊對茲生靜想霜月照娟娟

夢杭兒

夢杭兒
夢杭兒
夢杭兒

憶汝垂髫好含飴奉祖慈學吟花欲笑問字母爲師解
弄塗鴉筆何妨蠟鳳嬉阿耶歸日近昨夢捧書隨

和郭芝畹見懷韻

不效味啜與吟書

風雨暮蕭蕭重門萬里遙故人書問絕長日睡鄉消祇

自殷懷抱從誰破寂寥
蒼雲繞南郭悔不事肩樵
北望太行高名心漸不
豪傲緣奇懶飾情借老
禪逃浪迹萍隨梗生涯
鏡屈刀去年燕市夢花
露點宮袍流水高山曲
牙琴請再彈知音同輩
少聚首近城難鮫淚拋
潛室蛛絲繫遠翰相憐
尙餽餽燈影竹窻寒
九載仙舟契詩筒數唱
酬我如逢大敵天肯忌
清流烟定茶毘院山橫
橘浦樓多君挽銀漢替
洗一春愁

與孫邵吾客新平以詩見懷依韻會之

李文恭公詩集

卷三

五言律詩

七

歧路俄今別長安數舊游
飛花落茵溷殘日度蘆溝
野店雞催枕江颿龍負舟
勞勞一年事遮莫上心頭
小聚復無幾街簷細雨昏
澆春拚酒債呼月照詩魂
偏負河梁約空添燭淚痕
鞞鷹與沙鷗淒咽忍同論

山縣何荒僻蒼茫獸住情
蠻音狃女國鄉夢馬王城
蘭膳足晨夕萊妻兼弟兄
佳兒才學語已似鳳雛鳴

靜憶團樂樂遙傳寂歷歌
文章羈客賤貧病故人多
我亦樊籠坐尋常歲月過
那能盪胸臆揮手接天河

和朱同本見懷韻

秋月不可醉秋聲淒壯心金風吹鴈語如聽武溪吟歡
笑忽云舊睽離那克禁商量重九會南指麓山岑

同本以詩招飲會之

垂楊在君肘猶自快持螯病骨九秋鍊詩情千古豪齋
關嗤斷飲難字試題糕笑問東坡肉還能飽老饕

送勞次山之巴陵卽用胡問鷗柬朱同本韻

一擊唾壺缺高歌行路難新知耐庸俗舊事雜悲歡大

李文恭公詩集

卷三

五言律詩

六

雪渡湖水北風吹暮寒片帆邀我坐醉飲洞庭寬

夜坐柬王孟巖

簷滴尙殘雪復聞風雨聲寒宵閉門坐咫尺故人情小
病逗香夢長吟驅酒兵春風明日到相約掃花迎

花朝夜飲

春半數今朝春愁一醉消流雲銜月冷小雨助花嬌撲
蝶尋紈扇聽鶯話柳橋停杯重剪燭細認酒邊潮

芝畎下第詩以慰之卽和其游麓山韻

如何著破衫麓寺手長鑿雨下荆山淚風回弱水帆上
平心太苦食肉口空饒便訪橐駝叟村居學種杉
一笑浮名幻秋雲變白衣青天奇句問我亦謝元暉小
飲詩懷活高眠熟夢稀生涯如燕子門戶傍誰飛

留別長大子明

北望長安道黃雲糝雪飛因君不忍別執手話依依
曉書聲熟燈涼詩境微晚秋催去燕惆悵在烏衣

投分如兄弟情親已二年敢當奇字問聊藉聖童傳香

李文恭公詩集

卷三

五言律詩

九

火前生佛天風大海絃推敲會幾度花雨落吟肩

小立垂髫影金仙倚碧虛靈通冰泮後妙印月圓初鸚

鵝新題筆柳環舊讀書臯夔行接武莫愛注蟲魚

奕奕韋平胄趨庭鯉對陪駒光珍日月龍變挾風雷智

慧勤修福詞章肯算才登瀛試先導訪我上蓬萊

懷賀虎師

夜雨送歸船孤篷夜不眠嘉魚江上雪同聽五年前酒
味新斲熟茶香活火煎季真今薄宦秦嶺斷雲邊

鴨關磯曉發

野岸柝聲殘，征颿上鴨關。
江流中夜急，明月一船寒。
星淡天微曙，風柔夢亦安。
君山青不遠，把酒洞庭看。

泊黃陵廟

雪浪擁山來，天容鬱不開。
洞庭一歸櫂，落日此銜杯。
黯黯黃陵暮，蕭蕭斑竹哀。
試傳江上曲，今古幾詩才。

題李海帆觀察海上釣鰲圖

水氣湧魚籠，樽桑碧萬重。
仙人不可即，瓊島開芙蓉。
振

李文恭公詩集

卷三

五言律詩

二十

袂倚蒼石垂竿拂紫茸，今朝快想溟渤盪心胸。
明發又迢遞巖城啟節旄，梅花殘歲別峒樹亂雲高。
春意喧村鼓歡聲應海濤，溪苗新戴德願作負山鰲。

曾聞會稽子把酒誦公詩，川嶽颯然動天風。
時一吹齋居愜幽抱，琴理緬吾師安得刺舟去相從。
理釣絲我亦屠鯨者，其如刺手何珊瑚一千尺倒影入蒼波。
破浪豪情在歸舟，畫臺多忽興望洋歎回首笑岷峩。

題陳景初二尹武陵集

去年秋八月曾放武陵舟把酒對清影高歌水調頭故人不可見咫尺抱離愁今夕展吟卷古琴彈獨游

題命對題蝸寄圖

我欲排闥闔攜家天上居蕭然數間屋未肯言掃除蝸寄亦偶爾博陵兼富書放懷謝蠻觸海粟此蓮廬

十三半題乘風破浪圖

白浪走風雷君行何壯哉雲驅萬峯立天畫一帆開我亦釣鼇客蓬瀛入酒杯相呼捉明月醉踏海潮回

李文恭公詩集

卷三

五言律詩

三

題湯海秋儀部詩卷

宦味閒如許浩歌空古今風雲鬱奇抱天海盪孤琴與子三年別相思燕樹深寒宵倍振觸破壁有龍吟

奉

命典試四川恭紀

寵命注

丹毫雲飛朶殿高人文先蜀國

天語重詞曹秘省書初讀宮衣

賜早叨

癸巳大考蒙恩賜錦四端

掄才儲杞梓肯憚役車勞

永念趨庭日名場感獨深荆山空涕淚燕樹遠蕭森孤

露重摩壘真知少爨琴一般辛苦地何忍負初心

曾被飢驅我東川橐筆隨

子以巳卯庚辰從雲汀師游川東

奇情疏峽

口秀色奪峩眉鴻爪痕如昨驪珠探恐遲浣花詩合補

酌酒少陵祠

幸接臨汾彥同乘太乙蓮

副考彭君荷村山右人

倚裳過錦水振

策上青天益部占新識

甫得海帆觀察書有益部占星之語

師門數舊緣

李文恭公詩集

卷三

五言律詩

五

時座主張曉瞻夫子守成都

炳靈江漢在作貢有英賢

臨門幾舊緣

白河曉發

去去催人起浮梁渡白河雄疆分涿鹿小市雜明駝樹

密月篩影水平風颯渦鴻溝憑劃斷覽古發高歌

山行

石級陵嶒起危途此乍經雪翻綿水白天偈井陘青墟

落數家聚關門半壁扃鹿泉凌曉發樹杪挂疏星

自入土門口肩輿宛負舟崖懸盤馬急徑窄野猿愁薄

霧倏成雨荒村先欲秋頗疑州斗大何處湧雲樓
七十二河水奔流孰淺深泥沙衝馬渡風雨助龍吟山
勢有離合灘聲無古今芹泉知不遠一勺試同斟

魚鱗高下屋陶穴古風存石卵環孤砦山腰鑿一門車
搖嵐氣重炊濕晚烟昏何似桃源住桑麻課子孫

霍山曉行

一片芙蓉綠東南秀接天山蟠中鎮起月趁五更懸古
墓迷苔蘚流泉蔭陌阡曉程嘶櫪馬驕蹇亦堪憐

李李文恭公詩集

卷三

五言律詩

三

自杜鎮至樊橋

炬火夜蕭蕭郵亭一騎遙星光沈大野雲氣簇中條泥
滑晴猶嫩涼生醉易消棗香吹不斷綠樹指樊橋

自武功至扶風

太白山頭雨微茫入暝烟石排千嶂立水束一城圓屐
響喧苔磴泥痕濺錦韉伏波遺廟在展拜自淒然

弄玉吹簫臺

彩鳳翩然集秦臺五色雲九天迎弄玉豔拂紫霞裙我

亦欲仙去簫聲不可聞空歌渭城曲高柳送斜曛

棧道紀行

秦棧初枕上便疑天盡頭浮嵐蒸作雨伏日冷如秋路
斷橫枯樹沙平響急流煎茶聊小憩衣帶夕陽留
一白浩無際冥濛曉色迷藤蘿和月挂猿狖隔烟啼村
落半間屋山田四面梯草涼樓上望風景太淒淒
故道城何有驚心出險遲石尖爭路立泥坵破空垂徑
缺孤雲補橋欹一木支虺隤安所惜叱馭獨驅馳

李文恭公詩集

卷三

五言律詩

十四

茲嶺何殊特扳援廿里長盤岩紆馬足捫壁度羊腸聞
道成周日丹山下鳳凰古窠留截業振羽向岐陽
不見松林驛重陰慘淡時青羊奔浪驟紫栢累峯危毒
霧蛇飛恐叢林鬼嘯疑猶防泥滑滑冒雨陟嶽寄
厯落蠻鄉俗柴關又嶺頭牛腰齊荷鋏人項半垂瘤露
立香龕佛風搖板屋秋誰憐左擔道多子有驂騑
生計甘澆薄流民漸劇荒岩疆分隴蜀種類雜氐羌豺
虎聲雖靜萑苻盜易藏拊循咨要術山北是邊牆

到此真天獄嵌空窟穴連仄行窮九折下視偏重淵蒼
站愁將墮猱升勢總懸脚跟先穩著直躡翠微巔
巨石如雲起人穿石罅行摩天無寸土亘地有長城兜
甲千軍突狼牙百怪生荔裳詩好在棧道幾曾平
關勢雞頭聳委蛇轉七盤荒唐祠白石聳兀倚朱闌山
俯褒城近濤翻棧水寒莫愁天地窄南指漢中寬西盤
彷彿桃源境人家傍水涯香風薰稻麥曲港聚魚鰕日
影篩叢竹秋容醉蓼花汚陽訪仙令一醉失袞斜
李文恭公詩集 卷三 五言律詩 三

蠶叢通蜀道鑿空此頑山岫冢連岡壘洄流殷地環五
丁森鬼斧一線闢天關谿洞殊幽絕風雲不肯閒
甫越黃牛峽旋經白馬氏百牢自今古一水各東西蠻
女頭蒙帕夷童背著泥明朝入南棧回首武曠低
兩山中忽合洞戶啟浮圖單騎穿龍背層巒捩虎須橫
橋虹飲似高閣燕飛無滿谷碓硨響溪流日夜趨
萬仞朝天峽憑虛浩浩乎舉頭惟日近信步有雲扶露
氣凌長黯江聲激浪麤蜂窠沿赤岸篙眼認模糊

忽墮瀟湘影沙河半日程風颿千葉展雪鷺一江明近
水詩懷淡今宵險夢平嘉陵三百里妙繪想吳生
振袂飛仙閣家山幾萬重那能化黃鶴南度碧蘿峯懸
溜下深澗隨風飄遠鐘赭龕千佛在吾欲問禪宗
葭萌西去路形勝扼天雄壞壁噓烟黑殘陽燒嶺紅尾
長蛇負壑翹側隼摩空桓水如襟帶奔騰會閬中

白衛何年遇元元付大荒雲頭迎古戍日脚隱高梁獅
伏浮杯皿螺盤簇戟鏃數峯天外倚夢繞華山蒼

李文恭公詩集

卷三

五言律詩

三

閣道俯崔巍天風挾怒雷三川千古壯萬劔一門開樹
抱銅柯老秋橫玉壘來使星占益部重與勒銘回

沔縣謁武侯祠

松柏鬱清森如聞梁父吟三分扶漢祚二表瀝臣心戰
壘環沙磧流泉扣石琴定軍山下路千載陣雲深

入成都

十六年前客重來應使星高秋喧鼓角下吏候郵亭江
水盟心白巴山識鬢青天孫機上錦九疊散雲屏

忽覺

蘇軾次守以廿餘書圖

忽覺新涼重西風薄暮吹身多僮僕累心少宦寮知燕
月憐深坐蠻雲慣遠離那能話秋思小酌桂花卮

興平道中

至興寄嚴味題贈

馬首又秦關匆匆蜀道還茂陵秋雨後鄜時夕陽間落
葉吹銅笛幽墳訪玉環驛亭殘夢覺始解賦巫山

故關

小詩小五言

戰雲飛不起雜沓走風沙一徑開山脊重關聳石牙天

李文恭公詩集

卷三

五言律詩

三

高聞斷雁日暝數歸鴉歷亂殘碣在荒村隱暮笳

題蔣小榭小紅雪樓圖

萬樹霏紅雪藏園有舊樓孫枝自無恙詩夢冷香留我
抱暉仙約逢君話勝游羅浮踏明月得似故山不

喜楊芝樵至用寄羅荊哇韻

海角忽相聚掀髯一笑開心驚八年別足繭萬山來喜
劇燈花放談深漏箭催今宵邊地月疑照定王臺

題厲冠卿太守七世讀書圖

山立數椽屋雲排萬軸籤書承七葉治行表三廉祖
德箕裘在君才召杜兼清芬傳藻繪重與拓冰縑

題姚庶常遺照

一舉向空碧飄然鸞鳳羣斯人不可見目斷浙江雲仙
籍槐廳紀琴歌花縣聞妙蓮無住相重此挹清芬

夢得起句卒成

一鏡天邊月清光奈客何詩情留粵嶠歸夢渡湘波宦
海風常靜家山樂最多重看當戲綵花影醉顏酡

李文恭公詩集

卷三

五言律詩

五

樂昌道中

昌樂瀧前路漁舟接尾行水寒波有骨山秃石無情日
氣陰晴暗人聲楚粵并猶防戎伏莽建策欲移營

小舟戲東筓愉

江入萬峯曲人分一葉船隔窓商韻語呼婢遞吟箋香
近衣仍遠簾橫波又圓後先才咫尺相望亦殷然

白馬瀧

殷地雷霆門舟穿白馬瀧雪含殘照湧石挾亂流撞徑

偏飛難越篙橫勢不降舊游曾拓眼孤棹下夔江

韓瀧

八代扶衰手胡爲竄逐行至今飛雪浪猶作怒雷鳴坎
壑存忠直遭逢託聖明撫時增太息敢較錦還榮

小舟撥悶

海上乘槎客歸來此間津短篷低卧水碎石暗磨人似
占蜂房住都疑蜃室親倘逢舟萬斛蟻虱定稱臣

曉行

衝雪醉膏騰梁園賦未能風聲狂似虎人意凍于蠅山
市浮孤暝河流枕斷冰歲殘歸路蹇吾亦倦行滕

生春詩

何處生春早春生

玉陞中

昇平無量福颺拜有虞風仙樂簫韶應香烟綵仗融

御園曾待漏曉色上芳叢

何處生春早春生舞蹈中笙笙開

壽字靚譯鬯

仁風

同樂諸天喜長安旭日融
苔茵鋪軟繡莫問綺羅叢

何處生春早春生

渙號中師船先鎮海

海口烟禁申嚴奉
飭水師堵緝

温樹不搖風

時延

臣有以漏
言獲咎者

好辟星輶采

欽使先後查辦山海關
及直省閩省要案

空明

藻鑑融重臣今得地一力剪榛叢

兩江兩粵浙閩滇黔
諸制府均甫奉旨

更

李文恭公詩集

卷三

五言律詩

三

何處生春早春生

親舍中宦游慙孝養
儒素念家風

却鮮書頰戒含飴
味自融
咳華叶笙雅
蘭茵又青叢

母氏

樂家居不
允就養

何處生春早春生
棣鄂中連牀同聽
雨問訊欲凌風
壯

歲名心淡閒身冷
趣融阿連才入夢
池草已深叢

兩弟
奉

母讀書泊
於榮利

何處生春早春生
里閑中顧予爲舊
史有妹比扶風
擁

髻牙籤富題箋硯
墨融淡香吟欲倦
剩稿拾殘叢

女弟
淑儀

以所著淡香閣詩草寄余點定

何處生春早春生寂歷中燭垂常有淚帳冷不因風斷

句如雲散前塵與雪融綺梅故無恙忍發舊時叢

何處生春早春生逝水中同心已黃土轉眼又東風獨

忿棠誰種澆愁酒未融更無排遣法吾欲住禪叢笙偷歎忽

踰歲已歸早春生澁寒中艱也六少日韻思餘餘風窠

何處生春早春生梵貝中淨因花墮雨幻寄葉隨風鏡

樹原無著頃癡亦漸融偶憑陽管律吹煖出寒叢

李文恭公詩集

卷三

五言律詩

三

何處生春早春生艸角中塗鴉仿門帖蠟燕門鄉風歲

果握衣重街泥踏履融為呼如願婢然火竈烟叢

何處生春早春生羈旅中雕虫方少日躍馬獨雄風橐

筆從嚴武當關想竇融蜀游俄廿載回首憶蠶叢庚辰辛巳

度歲蜀中是為遠游之始春生逝水中同心日黃土轉眼又東風

何處生春早春生小艇中綠回沿岸柳紅飈試燈風虎

阜人如織魚蕘雪乍融寺鐘聲不遠只隔竹千叢丙戌春初

予與賀二虎師勞九辛陔同舟入吳門薄游虎邱諸勝

何處生春早春生島嶼中雷奔鯤壑浪月滿鸞帆風境

本三山拓光疑十日融瓊臺初弭節青徧稻畦叢丙申上元

前一日按試渡海
新秧早抽針矣

何處生春早春生環碧中一闌梅子雨四壁楝花風揮

扇游絲曼籠紗列炬融飮盤羅菜甲瓜豆久連叢嶺南氣候

較熱使署環碧園開
筵坐花一如夏景

何處生春早春生梁苑中棗饒新歲幣竹爆故園風利

市屠沽集祥霏土脈融汴京名尙爾燈火牛蒿叢自移中州

李文恭公詩集

卷三

五言律詩

三

兩更歲籥未
嘗作踏燈游

何處生春早春生官閣中幸無領軍面猶有布衣風特

立喬松企同方水乳融簿書閒檢點束筭不成叢糧饘事簡

賤贖多
手治之

何處生春早春生轉漕中船頭爭護凌旗脚懶占風地

僻沙爲幕流漸凍欲融榜人時泥飲野店倚荒叢時豫省糧

艘守凍
潮旺

何處生春早春生別緒中郵程杳雲樹琴響奏天風知

遇會相得交情久更融瓊林簪杏好拔幟萬人叢

贈別
熊雨

樓北春
官試

何處生春早春生油幕中塵談皆道氣鶴髮自仙風徐

悟靜者妙常期樂也融不嫌懷刺滅偃仰亂書叢

謂湯
薇堂

何處生春早春生講室中香盈書帶草歸詠舞雩風理

奧傳伊洛經師陋馬融况兼冰玉望多士蔚雲叢

心壺
前輩

方講學大梁令堦史君
叔平亦主堯山書院

續和

李文恭公詩集

卷三

五言律詩

三

何處生春早春生破曉中衾單偏戀夢窻小恰穿風掩

映晨曦薄迷離睡味融不如雙蛺蝶栩栩百花叢

何時生春早春生午倦中繡紋添永晝鈴語度和風寒

覺鴉啼少香和燕壘融巡檐頻小立綠到蔦蘿叢

何處生春早春生薄暮中鑪温留宿火簾悄定微風羣

動一以息物情相與融歸飛驚鴿踏似解避鷓叢

何處生春早春生夜坐中樹延雕檻月衣怯剪刀風拂

軫元音謐煎茶俗累融獨探清淨理支蔓闢荆叢

何處生春早春生澹沱中莓苔疑積雨楊柳漸迎風酒
茄嵐光活錫簫暖意融燒痕猶徧野芳草忽叢叢
何處生春早春生點滴中泥消鴻爪雪晴試鯉魚風漏
箭參差誤毬場滑澁融海棠紅乍露認取玉階叢
何處生春早春生繡錯中人迎土牛日天近紙鳶風炊
溼新烟重翠鬆細雨融預呈三日瑞葱翠麥苗叢
何處生春早春生村落中簫香殘臘酒花信幾番風霧
散晴猶嫩谿平凌合融客來商剪韭隨意覓蔬叢

李文恭公詩集

卷三

五言律詩

三首

何處生春早春生百舌中禽言如喚客柳夢不禁風共
識繁聲起都緣淑氣融歌喉應按拍錦翼集華叢

何處生春早春生曲沼中開奩三尺水擘絮五更風縹
疊清于畫茵浮綠半融尙餘冰細碎斜綴荻蘆叢

游金山題壁

放眼忽空濶江天閱古今樓臺消蜃氣谿壑助龍吟勝
跡登臨晚清時慨歎深卽須聊一快擊楫有同心

浮玉盤崖石參差倚碧霄烟橫京口樹風挾海門潮梵

宇羅千佛琳宮拜
兩朝

翠華題詠徧寶宇鏤瓊瑤

言訪焦先宅松寥雙髻了負山收暝色背水簇霜花藏
器知何代栖禪未是家汗青遺墨永赤手拔鯨牙

我輩論期許違云秉燭遊安危天下計宵旰

中流

李文恭公詩集

卷三

五言律詩

三

甲辰秋闈贈主試甘薪圃太史

昨日龍門啟天光忽一新盪胸蟠二華豁眼瞰三秦玉
尺裁量密丹臺契合真舊游懷楚澤小草亦秋紉

鎖院環鈴鐸清宵覺嫩涼當官無道力結習有文章江

海事多棘岩疆髻欲蒼因君崇晚節老圃愛寒香

詩題用魏

公句

贈主試陳子嘉太史

湖海今無敵西秦綺節聯人皆尊嶽時天亦助晴妍虹

氣當年吐

君乙未春捷予時亦與分校

犀光永夜然文衡本家學兩

代說乘蓮

子嘉爲荔峯侍郎前輩令子

曾上韓侯嶺叢祠石墨留

存不雲棧牽殘夢風簷問好秋汝陽不可見明月在蘭

祠有尊甫石刻

摩挲一彈指手澤尙

州

謂同年許吉齋太守

邢臺懷陳海陽

時令長垣

昔在邢臺道斜陽樹色昏故人暫相遇驚喜萬千言永

夕明蟾坐凌晨去馬喧五年尋舊跡離思向長垣

李文恭公詩集

卷三

五言律詩

美

送羅五芝鹿還長沙

黃葉下扁舟天涯已倦游關河雄太華烟雨黯蘇州久

聚忍相別臨歧還少留江風知送客吹水向南流

我亦欲歸去其如負擔何論心三大息揮手一高歌薄

宦故交遠中年鄉思多因君告予季豪氣半銷磨

別吳門同官諸子

又向胥門別恩恩未卅年兩番成小任百計奮空拳高

下無腴壤東南有漏天臨歧愧遮道揮手更流連

舟過鎮江

瓦礫漸闐闐重開鐵甕城
高秋四山出初月一江明
天塹雄關鍵人工仗礮兵
金陵握全局三載費經營

廣濟道中

卻指雙城驛西連斬鄂間
白鷗流水淡紅樹夕陽殷
古寺欲迷路人家半枕山
愛他石磯叟坐任釣絲閒
郵程頻戒旦疆域此區分
離夢隨杭渡鄉音入楚聞
竹香多近水石氣細生雲
明日黃州道蘇祠拜使君

李文恭詩全集

卷三

五言律詩

七

武昌贈陳花農

嶺嶠一判袂重逢在鄂城
合離增老境出處共勞生
家近遲歸計途長耐曉征
舊巢多耽戀客主廿年情

謂餘山宮

保

東道

東道問誰主西風吹未平
濕雲低欲雨遠樹密于城
霜信傳鴉點離心逐雁聲
蒲圻杳何處山暮半榛荆

萬年庵和吳荆山前輩韻

雙溪激流水畧約馬蹏喧古刹空山抱殘經法雨翻茶
香契禪悅塲詠憶慈恩元宰歇心處重參甘露門

畫此派別大姊二妹浴得茶焚獻百眼笠小冒山尖

一別忽九載相思骨肉深童年忍回首家事半傷心宅

相成吾願謂繩孫儀門衰苦自禁謂淑儀絮談不知曙燭淚夜

窓沈立巖巖天許亦此好山嵐蒸飄雨泉響梵聲雷

別兩弟

離緒幾千萬連牀夜話真送迎如過客聚散太勞人門

李文恭公詩集 卷三 五言律詩 三

戶資子弟疆巖任此身陔華笙潔養好與奉慈親人門

辰龍關

關勢立崔巍辰龍亦壯哉山嵐蒸驟雨泉響挾輕雷驢

磨陳因在雕盤仄徑開枕霞三載任策馬獨徘徊戎衣

一眼安順道中骨肉新章平恐回首寒事半對心守

畫地形如燒逢人面欲黔茶殘橫石卵笠小冒山尖鴈

墩塗丹赭驟鞍負黑鹽問津過白水何處覓珠簾

雙溪激流水畧約馬蹏喧古刹空山抱殘經法雨翻茶

小雨溼蒙龍雲陰路幾重卻從深磳渡時復亂流淙
氣懸青嶂千盤走白龍銀河快傾瀉爲我滌塵胸

郎岱杳何處霧霏溼曉裝四山墮雲海一騎俯青蒼歷
險心如石衝寒鬢有霜巖關撐打鍊卓午尙迷茫

松歸關

籃輿松歸上曲折繞圍牆叢竹藏山寺疎林畫夕陽牧
童歸犢緩飯店晚炊香頗似吾鄉景迢迢天一方向

李文恭公詩集

卷三

五言律詩

三

題歸易民傳笏圖

世運當陽九空懷宗社憂兩言勝三策一笏足千秋手
澤琴川永心傳易註留披圖重太息忠愛溯前修

題謙谷上人梯山航海圖

飛錫自來去旃檀香有無閒雲渾不著山海一團蒲我
亦抱遐想東南困未蘇慈航如可借彈指靜天吳

贈于蓮亭前輩將游茅山

句曲神仙窟清吟上界聞雜花初作雨健步欲生雲老

得烟霞趣閒尋鸞羣幾時息塵鞅爲我訊茅君

送黎樾喬侍御南歸

一鶚下青天風霜秋颯然直聲在朝野歸志肯林泉同
調苦無幾分仔誰與肩予懷亦將母把酒話纏綿

自題袁浦泛月圖

得暇此邀月清光徐上船市燈明不夜隄柳淡于烟風
定茶香聚波平闌影偏圖成復延佇歸棹指江天

小窗餘答法可盒觀察仍用袁浦泛月韻

李文恭公詩集

卷三

五言律詩

四

小住獨怊悵心旌如在船檐鳥寒欲雪鑪鳴悄無烟地
遠何方縮脊長不寐偏君詩妙禪理清磬徹諸天

自題袁浦泛月圖

隨苦無幾分仔誰與肩予懷亦將母把酒話纏綿

一鶚下青天風霜秋颯然直聲在朝野歸志肯林泉同

送黎樾喬侍御南歸

得暇此邀月清光徐上船市燈明不夜隄柳淡于烟風
定茶香聚波平闌影偏圖成復延佇歸棹指江天

李文恭公詩集卷四目錄

太心奮農韻

四首

湘陰李星沅石梧著

男概編次

梳

五言律詩
七言律詩

贈姚石甫廉訪

二首

蕪湖感舊

題湯太母斷釵吟卷

荻港曉發

李文恭公詩集

卷四目錄

一

重九卽景代柬用熊兩樓喜雨韻

二首

答陳心奮舅氏並奉胡煥農姨丈

雪霽次雨樓韻

題陳雲心遺像

一首

張仙菓女甥過小園以詩卽景依韻答之

四首

仙菓疊韻示介生姪因再答之

四首

和雨樓寄懷

四首

寄陳屏南舅氏淮上次心奮舅韻

四首

再和仙槩四首

海粟樓望月和仙槩韻拾開

再和前韻西崑

五和仙槩送別原韻二首

舟發長沙

四月二十四日泥溝驛夜坐追悼六女

舟過螺山懷王子壽比部

題景暉垣刺史仙源手澤圖

李文恭公詩集

卷四目錄

二

秋感和雨樓韻四首

題呂麗堂觀察平苗凱旋圖

合江亭

培元寺

五言排律

冬夜感事仿西崑體用三江全韻

謁伏波祠用少陵投哥舒開府韻

題李竹溪師靜虛山房詩集

謁孟廟詩 四首

七言律詩

清明書感

立秋

秋柳

送傅一聯卿歸章華

贈內子笙愉

將之蜀中畱別

李文恭公詩集

卷四目錄

龍橋道中

舟抵渝城見紅梅數枝有感

武侯祠

相如橋

寄和張玉柯見懷原韻

小憩覺林寺

贈真武寺僧

檢舊作落花詩有感重賦

四首

渝州雜詠

四首

寄內兄郭南屏卽以誌喜

二首

寄堦妹代柬

病中書感

逢殷五谷泉話舊感賦

四首

畱別陶雲汀師

二首

舟發重慶

晚泊關溪

李文恭公詩集

卷四目錄

宜昌舟次

荊州道中

雨中望岳陽樓

重陽前一日自題蜀游詩冊

秋日偶成

雜感

二首

楊芝樵移居城東走筆誌賀

二首

贈熊雨樓

四首

一笑言微辛

歲除雜詠偕筆愉作三首

除夕懷人詩三首

答友人言志之作

舟中曉起對雪

重陽書感四首

卽席贈鄧容容少尹并送吳香圃之長沙

登資陽城樓

李文恭公詩集

卷四目錄

五

白鹿寺

答秦半魯寄詩并索箋紙

書長生殿劇後二首

卽席有贈

再贈人言志之作

對酒二首

酒半寄秦半魯

暝坐寄勞辛咳

夜大雨作

雨霽

小飲贈內

遣懷二首

前詩質之笙愉以爲太激更賦二首

春暮

荒齋

美人

李文恭公詩集

卷四目錄

放論二首

贈羅京江

觀音閣晚步

晚泊龍陽

舟過桃源懷楊惺庵廣文

伏波廟

西山

辰龍關

病夜又泉映宮苑史詩外

病起夫賦野工荷葉中即順甚盈益書一軒

中秋門林知山之秋

枕霞山館遣興二首

莫哀

蔡黃樓袖詩過訪却贈四首

書恨爲醒漁作四首

和蔡紉秋見贈原韻二首

李文恭公詩集

卷四目錄

濡迹

歲暮懷歸三首

呈李竹溪師四首

寄內

月夜懷蔡黃樓

贈巖門杜時山少府

時山夫婦俱工詩集中唱酬甚盛爲書一律

題周文泉判官詠史諸作

李文恭公詩集卷四

廿五言律詩

五言排律

七言律詩

東甌會贈姚石甫廉訪

思君不可見乍見輒欲歎道義仔肩重艱危汗血餘臺

洋會

賜鉞藏衛又驅車一掬孤臣淚鏡前白髮疏

李文恭公詩集

卷四

五言律詩

一

我亦憂時劇春深臥病中是非千載定出處兩心同歸

夢縈湘上離情佇皖東石城聊小聚餘事寄詩筩

蕪湖感舊

東壩曾經處匆匆廿五年園亭供蠟屐鏡酒雜歌絃桂

管書難到函關尹易仙舊游餘塔影清夜峙江天

題湯太母斷釵吟卷

廿九年如昨開奩試苦吟滇雲妝閣冷瘴海血書沈玉

燕俛無影瓊花不可尋天心傳節孝奕葉有華簪

荻港曉發

荻港渺何處微茫宿霧蒸風聲低鹿角星點散漁燈翠
展山千束青浮塔幾層漸聞人語近前渡是銅陵

重九卽景代東用熊雨樓喜雨韻

小坐淡無慮東園抱膝吟花光團水曲天意作秋陰游
倦畏人事病餘生道心杜門權屏跡底用入山深
離索亦云久行踪感雪泥故人今邂逅佳節快招携屐
著疏林響城街夜照低登高更何處薄醉倚偏提

李文恭公詩集

卷四

五言律詩

二

荅陳心畬舅氏並奉胡煩農姨丈

寄跡城南路幽棲孰與同詩情留晚菊霜意醉山楓我
欲陪游屐言尋安定翁白雲枉持贈咄咄竟書空

雪霽次雨樓韻

長沙一夜雪何處妙高峯破曉晴光出連山雲氣鬆泥
融沽酒屐寒遞入城鐘欲問漁樵渡從君倚瘦筇

題陳雲心遺像

宜南重執手病榻話淒涼一別遂千古孤懷逾十霜文

章雄吏部風節數郴陽奇氣不能盡須髯猶戟張
張仙菓女甥過小園以詩卽景依韻答之
豈有平泉勝吾廬且避譁養病餘歲月結習在烟霞山
意將城補波光入檻斜園梅香乍吐昨夜雪飛花
榛蕪強半去松竹尙無多獨坐邀琴語幽懷倚檻歌林
疏時見鶴亭小恰名螺欲覓玲瓏石蘇湖奈遠何

隔舍環畦菜當樓借樹陰圖書耽古趣鐘磬悟禪心月
上人聲寂雲藏鳥夢深連牀坡穎樂將母快招尋

李文恭公詩集

卷四

五言律詩

三

四照渾無礙紅牆聳漢臺種魚池水活呼鴨夕陽來淨
業娛丹竈清游步綠苔肯持肘後印換取掌中杯

仙菓疊韻示介生姪因再答之

結宅猶城市閒居靜不譁寺鐘沈遠樹山郭帶殘霞樓
小橙香聚櫺稀豢影斜藏書足清供懶再看唐花

知交音問少時事感懷多北斗京華望東坡水調歌宦
游沙上雁人物指間螺欲爲蒼生出其如安石何

獨立復誰侶招呼鶴在陰不醫堅病骨無著淡名心石

徑沿松曲塘泥護竹深漸教生意滿散步愜幽尋
偶此耽禪寂高吟何處臺晴光銜雪出春信隔年來綠
截釘盤菜青黏蠟屐苔屠蘇新釀就佳日佇傳杯

和雨樓寄懷

高蹈離城市幽居隱棘茨兩心如有約百里亦相思携
袂尋殘夢傳箋伴小詩溪橋香信早肯爲寄花枝
始信鄉村好天然水石娛棲鴉孤艇傍歸犢一童呼可
笑山人者偃關誰與徒寒宵祇予季情話擁紅鑪

李文恭公詩集

卷四

五言律詩

四

南指夫餘道兵戈雁戶驚釜魚甘坐困風鶴競虛聲河
上從軍樂清時伏莽生亂源誰解塞治蜀想方平
林下君知我荷衣抱病裁奉親聊自遣經世復何才
恩重酬無計憂深鬱不開春光近蓬華同是日邊來

寄陳屏南舅氏淮上次心畬舅韻

一別江南樹匆匆已半年幾時重會合相望劇纏綿路
遠情來往書窮意萬千病閒殊不惡翻荷涓陽憐
宦游頻歲聚如影與形儔甘苦挑燈話行藏借箸謀塵

沙溟海月風雨秣陵秋記向長安笑看山過華州

小試烹鮮手淮陽寄此身當官能免俗好客不知貧種

韭徵前夢

夢在丙午除夕

移蘭廣善因

謂長沙育嬰諸務

碧湘門外柳

早見故園春

且住爲佳耳河壩顧盼徐天寒水合候地溼水荒餘鴻

案迎年酒蝸廬隔浦居浮家稱吏隱莫只歎鹽車

再和仙棗

幾忘桃符換微聞簫鼓譁年光催綠髻曉色逗紅霞著

李文恭公詩集

卷四

五言律詩

五

屐溪橋滑攀衣石徑斜園林纔幾日已放數枝花

人隨新歲長春入好詩多不負傳柑會彌令擊節歌銀

旛飄蠟燕綵筆試香螺笑我拈髭老頰煩五字哦

補壁添苔暈開軒對竹陰雨多留客意雲有住山心市

近塵囂遠樓高書味深東郊烟景麗還擬杖藜尋

頓覺池水解波痕浸釣臺游魚迎月上凍雀掠烟來楊

柳吹銅笛葡萄引玉醅一家娛壽母愛日喜親陪

海粟樓望月和仙棗韻

薄雨洗山月娟娟深入城一樓繪春色小坐助詩情
樹鶴先睡隔籬蛙試聲銜杯忘夜永街拆已三更
再和前韻
月魄清如水烟痕綠近城細斟春夜酒却掃宦游情
柳
淑橫橋影花梢滴露聲蝦蟆故多事二月早傳更

和仙萼送別原韻

曠代牙期杳重懷古調彈在家如客暫行路尙春寒風
絮合離驟溪山去住難解人惟骨月情話到更闌

李文恭公詩集

卷四

五言律詩

六

別觴休滿酌愁入醉鄉醺倦態孤飛鳥閒心出岫雲倚
閭勞遠望判袂惜同羣預約歸期早秋林坐夕曛

舟發長沙

忍淚出門去那堪愁緒牽沈疴猶似昨侍養未經年聚
散殊多事行藏任自然別懷不可道風雨上江船

四月廿四日泥溝驛夜坐追悼六女

痛爾忽彌月郵亭老淚傾業緣多苦惱藥證未分明悔
學成人態悽含大母情夜窻了角杳忍憶誦詩聲

舟過螺山懷王子壽比部

荆沔湖湘水飛流萬派衝一山枕江口螺髻若爲容我
未見之子相思千萬重何當倚歸棹散步且支筇
題景暉垣刺史仙源手澤圖
兩世此游宦因緣問水涯會仙橋畔路曾駐史臣車遺
墨能千古行春又萬家武陵源自在解語有桃花

秋感和雨樓韻

秋氣積遼廓沈陰喚不醒終朝閉門坐小雨帶愁聽伏

李文恭公詩集

卷四

五言律詩

七

攄壯心冷攬梳衰鬢星閒中忽振觸夜起拭青萍
聞說東南郡時和生計凋沙橫淮浦漕海嘯浙江潮猶
剩紅夷孽將憑烏石椒天威神默運及早靖招搖
連歲粵西東萑苻道路叢金錢糜轉饟篝火莽環攻大
峽妖氛紫長灘戰血紅重臣倚頗牧何以奏膚功
風鶴軍書警池魚鄰壑憂邊氓方喘息徹土望綢繆斥
堠千山戍霜碓九月秋病餘甘澆落不敢問前籌

題呂麗堂觀察平苗凱旋圖

籌筆三苗靖磨崖一月成金鏡旋鳴塞玉雪照蜺旌湖
上甫徵甲粵西俄用兵據鞍雄顧盼楚塞有長城

合江亭

回雁聲如訴衡陽倚醉聽水光搖淨綠嶽色逗空青石
鼓千秋碣風帆九疊屏寒烟兼薄暝半在合江亭

培元寺

盤髻上巉巖微茫夕照銜冷黃垂橘袖涇翠落松杉瀑
布竹間瀉修樓山半嵌寺名肇何代吾欲叩琅函

李文恭公詩集

卷四

五言律詩

八

五言律律

冬夜感事仿西崑體用三江全韻

梵雨落淙淙閒愁不可降錦箋封荳蔻芳草夢蘭汀神
枕巫山幻情波洛浦泮禪參兜率偈聲杳步虛覓何處
題紅線無聊問紫螭綃寒珠淚涇道遠碧茸逢蕭瑟潘
安病癡歎宋玉眷鳳簫吹嫋嫋魚目望瞳瞳却憶巢宮
燕阿誰認墨虬歧途飄短鋏華屋換新柳爲道曾瓜葛
重游俯釣缸半鸞楊柳岸一帶棟花糗巧舌雕籠雀拳

毛繡勒駝銅溝圍石第粉確壓吳邦乍試芙蓉茗旋斟
芍藥缸烟迷青瑣闥風裊綠油幢甫入天台路徐聆雜
佩撻金釵人十二瓊樹髻丫雙最愛雲英弱眞令楚客
眈妝描螺子黛眉印月兒龐照鏡梳蟬翼凭奩插鳳鏡
鈎縞安綵纈裙縐畫湘江鈿綴蟲腰細衣熏雀舌麗郎
當開錦蹋百八繫秋夔轉調鸞笙唱催花羯鼓辭啼鶯
春嫵娜撲蝶膽忪懣檀板同心曲笠篔滅字腔低垂攏
玉指俏立貼蓮躡宛宛柔腸結喃喃小語恹微吟時倚
李文恭公詩集 卷四 五言排律 九

柱比目不驚瀧倘赴藍橋會全消白地嗔美人花作骨
才子筆如杠鴛繡針神度龍文鼎足扛詩闥藏竹券葉
杵擣雲瑯紈扇珊翹墜筠簾絡索瓏偶經桃葉渡並坐
木蘭艤對酒潮登頰推篷浪打雙神疑逢北渚游欲徧
西筵詎意飛凰卜徧來磨蝎撞琵琶傳珞球跳脫說嗟
峴桂殿將離鶴桃源浪吠龙伶工爭換羽舟子更移椿
指捻香囊剩溪流別恨澹寂寥絃管院顛倒偃僮撞蠟
燼啼銀燭燈淒呪玉釵三生尋碧杜屯字譜紅豈悵望

膠絃絕沈思落日黯孤懷吟不斷涼月上瑤窻
天果效
謁伏波祠用少陵投哥舒開府韻

第一中興將雲臺不紀功死生間疑忌成敗誤英雄雷
奮昆陽雨天開國士風縱橫田牧起談笑井蛙空隴石
霜磨盾甌南月偃弓黎丁書鏡券女子拜元戎九縣麟
符震三邊雁堠通蠻獯縱餘孽嬰鏢示羣公銅柱曾炎
服椒房況列宮誓教烟掃北快覩日升東下雋孤軍入
荒原五丈同狡愁營窟兔灰冷畫旂熊未翦狼烽盡先

李文恭公詩集

卷四

五言排律

十

傷馬草終崖泉揮劍涸火繖鏢金融鵲泣壺山外鳶飛
毒潦中叢祠立前代伏臘走村翁樹古瞻喬木春深指
亂蓬蘋蘩禋祀潔蕙苒謗詞窮石扼狂瀾靜溪消宿霧

蒙

王師永休息小麥熟崆峒

題李竹溪師靜虛山房詩集

嶽頂衆山小河流萬派先士生尙知己詩教在參元幸
遇風騷彥重諧香火緣碧榆栽舊地金粟證諸天果妙

無根諦因探有覺禪味惟眞乃永情以愛斯傳北斗瞻
依近南豐執願虔恩波心上活古調曲中宣特賞邀針
芥韶華速弩弦詞章薰一瓣書策奉三年却憶資陽謁
剛從蜀國還猿啼巫峽樹鴉暗洞庭船放膽吞溟渤低
眉計橐籥聞初通禰刺榻早爲徐懸潘縣文如綺王喬
令亦仙量材分玉尺角藝擘瓊箋履錯翹英館鷓開棧
藻筵浹旬殊欵洽祖道復留連自別龍門日仍棲鸞嶼
烟豈期師弟分卽此主賓聯鹿野萃笙韻蟾宮桂蕊鮮

李文恭公詩集

卷四

五言排律

十一

凡魚爭跋扈羣馬盡騰騫鑿鑄珊瑚網星羅奎昴躔揭
來和璞抱冥借嶠犀燃舉矣儀鴻吉艱哉磨蝎偏孔疏
雖薦鶚齊苑但鳴蟬雨下秋宵涕珠沈楚水淵乍驚摸
索巧更惜污泥捐爨冷桐孤泣亭枯竹半椽聞聲工奏
拍顧影辨媼妍物色塵埃外悲歡几席前遂令登藥籠
俾獲侍丹鉛載贈繞朝策頻歌相府蓮高枝翔鳳羽廣
厦側鳶肩隄柳表公渡崙花莊躑鞭塵揮談媿媿鵠息
望拳拳牘判彈琴靜經橫滴露研濯鱗聞足樂飼鶴倦

尤憐白傅裘長被青黎硯肯田俯詢昌谷病親授漆園
篇磊塊捫胸化水霜鍊骨堅名言獨瀟灑久住倍纏綿
箕錦勞人怨滄桑宦境遷鐘敲春夢醒舟怯石尤顛墨
綬須臾解游絲十丈牽浮空媧易補駭浪鵲難填署券
投河鯉催歸聽杜鵑乘除原偶爾今昔轉悽然檣櫓將
安植芙蓉不可攀蛇銜猶墮戶鼠飲又冷泉故壘雕梁
剝殘膏畫壁延已拚甘屈蠖差喜近飛鱣熱淚銜杯落
蠻鄉問字便情深毫素託集富手新編冲淡摹虛際須

李文恭公詩集

卷四

五言排律

三

彌湧大千胃腸滌江瀨標格拔峯巔力直掃窠白思專
淪秘詮同音誌笙磬共命感夔蛇往事隨雲散清輝佇
月圓海濤結靈響還奏伯牙絃

謁孟廟

麟絕素王筆微言莫我聽羣雄分戰鬥橫議走風霆一
自宗洙泗千秋判渭涇泰山尊氣象淮水毓英靈道遠
承三聖辭先闡六經桓文終假霸舜蹠必殊形屹比中
流柱高如古屋瓠甃生徵性善茅塞啟頑冥楊墨塗斯

闢蘇張戶漸扁誠邪將獨挽醉夢覺皆醒直養沛天地
豐功炳日星典崇前代祀儀表後來型騶縣頻神往騾
車此路停凡金瞻廟貌鏡石樹碑銘雷鑿丹墀井風颺
畫桷鈴藻茄垂竦碧檜栢插雲青近繹程朱理彌懷俎
豆馨廣居猶美富私淑在階庭鐸久徇周季鐘難撞寸
廷當時大人輩藐小幾螻蚋

七言律詩

清明書感

李文恭公詩集

卷四

七言律詩

三

盡日思親淚慘然萋萋碧草帶殘烟魂歸故國三千里
夢醒邯鄲四十年半世文章傳死後一家兒女哭生前
紙灰吹上棠梨樹怕聽春山叫杜鵑

立秋

蕭騷涼意撼庭除永夜誰憐賦索居銀漢欲斜秋信早
碧梧新冷葉飛初花間詞曲重門靜江上音塵八月疎
偶話婕妤團扇恨齊紈明月近何如

秋柳

風風雨雨灞陵橋瘦盡長條復短條萬里秋光來白下
一場春夢付南朝夕陽古寺烏鴉亂殘月江村北雁遙
莫唱柳枝舊題句可憐人憶小蠻腰

送傅一聯卿歸章華

我太疎狂負少年蒼茫人海感琴絃論文涕墮荆庭璞
贈別情深祖逖鞭落日半村楓浦樹歸帆一葉洞庭船
君行倘念孤山客爲寄梅花助聘錢春風正自送芳年

贈內子笙愉

李文恭公詩集

卷四

七言律詩

十四

仙樂聲中譜玉徽綺梅香裏正于歸荆釵待汝齊鴻案
步障隨郎解議圍雪白三升司馬飯春風五色老萊衣
試看絳蠟芙蓉蕊應照鴛鴦比翼飛
繡閣留題有舊章簪花初艷女兒箱裁詩好下先生拜
問字新添弟子行話盡寒瘳人不寐修成清福我非狂
隣卿伴讀殷勤意願取朝簪爲理妝

笙愉著有簪
花閣詩集

將之蜀中留別

一曲高歌蜀道難天涯分手淚闌干故交先後如雲散

歧路零丁况歲殘負爾華年仍劍鋏驅人遠別是飢寒
庭前幾樹梅花發不得巡簷索笑看

只龍橋道中

龍橋一步一踟躕畫出寒巖萬木圖山半有天留雪住
石端無路倩雲扶人逢驛使花難覓地入荒原草易枯
閱徧道旁郊島相未知曾解作詩無

舟抵渝城見紅梅數枝有感

載將晴雪向東川小別家山路幾千數點梅花開嶺樹

李文恭公詩集

卷四

七言律詩

五

一年春思落江船霞飛渝水香爭渡艷入羅浮夢不仙
知否故鄉今夜月有人惆悵倚窓前

武侯祠

十年前誦出師文慷慨高歌泣暮雲漢末事空灰五丈
隆中策已定三分蛟龍破壁將軍壘檜栢春山帝子墳
咫尺廟堂瞻未得成都車馬日紛紛

相如橋

長門買賦笑黃金執筆時先學上林狗監有誰能薦士

鳳琴生恐負知音當釭酒市春風醉題柱官橋草色深
愁煞茂陵消渴疾爭教人怨白頭吟

寄和張玉柯見懷原韻

年來年去雪漫漫千里成都馬上看天府關河開沃野
英雄事業惜偏安叢祠尙賽魚鳧僻巨鎮何如龍虎蟠
且喜豪吟足傾倒椒花席上重瞻韓
顧影誰誇鶴立羣歐陽門下感慇懃平章風月無前輩
管領江山有使君從古讀書須識字何時把酒細論文

李文恭公詩集

卷四

七言律詩

六

題箋不盡丁寧意爲我高堂侍白雲

小憇覺林寺

白雲蕭寺對江城水碧山環自送迎荷蓋擎珠如靜女
竹林飛瀑作秋聲人參佛座依禪悅鳥宿空庭得夢清
更上浮圖最高頂飄颻好御風行

贈真武寺僧

浮生何處問仙鄉靜對蒲團歲月長愛看遠山嫌樹密
學除閒日種花忙三冬菜好藏蔬筍幾畝田纔足稻粱

祇我尙懷卿相事又分煨芋到禪房

檢舊作落花詩有感重賦

錦障飄零感舊題
嫣紅姹紫不勝悽
珮聲西去雲千里
粉片東流水一溪
偶向塵寰留色相
本來皓質惱污泥
思量故國春如許
怕聽羣鶯歷亂啼
橫塘十二曲闌干
未著花時子細看
早識紅顏多薄命
劇憐翠袖不禁寒
曉烟蹙黛眉慵掃
夜雨淋鈴淚未乾
盼到亭亭嬌怯處
生愁風過替吹彈

李文恭公詩集

卷四

七言律詩

七

三生杜牧恨茫茫
綺夢分明又一場
惜別舊隨芳草遠
望春爭與柳絲長
自今玉笛誰傳唱
虛費仙幡作主張
蘭絮因絲渾不管
薄情未免怨東皇
一現優曇萬劫灰
驚心七七杜鵑開
繡脾新樣繙鴛譜
羅襪殘香咒馬嵬
他日重經賦青冢
願卿長此住瑤臺
芳魂記得垂簾路
珍重凌波踏月來

渝州雜詠

步天參井指西垣
肇造由來太昊孫
古墓龜鱗嵌石立

高城龍虎倚山尊輿圖俯瞰一千里水勢環流十七門
始信生成形勝地茫茫時代不堪論

玉珍兵燹乍消磨奢獻紛紛此地過鬼泣轉輪宮內宇
血沈紗帽石前波中流忍聽離騷讀野殿猶傳赤足歌
太息三忠遺跡在夕陽衰草臥盤陀

金銀白馬氣蕭條酒散詩零又幾朝夜雨巴江楊柳曲
春風香國荔枝謠那無仙觀花千種賸有涵園水一瓢
聞道渝關關上女月明蘆管當吹簫

李文恭公詩集

卷四

七言律詩

六

豐年碑見樂穰穰依舊雄區控蜀疆烟火萬家盤上下
陰晴一日變炎涼居民半屬荆人籍隔岸遙連估客檣
我有雙魚將母寄竹筒何日到瀟湘
寄內兄郭南屏卽以誌喜

雨湖湖上故人居湘水經年判袂餘別院葡萄青可惜
隔窗蕉葉綠何如詞場變局多離夢名士驕人少報書
偶憶檳榔成一笑穆之旅食太蕭疎

初躡雲梯第一階雲英早向玉京來情知宛轉鈔詩讀

看不分明對鏡猜柳葉春風新學畫梅花明月舊憐才
低聲恐是黔婁婦宮樣羅衣要剪裁
尺素殷勤與雁飛客中何以慰依依勝游頗得江山助
異地相思鱗稻肥落筆漸能除綺語檢衣長自戀慈暉
明年下峽扁舟穩飽載三巴烟雨歸

寄婢妹代柬

鄉居歎汝亦茫然中饋經營婦職全學業敬爲夫子勸
離愁莫又阿兄牽一家花樣裁裙布五夜吟聲答紡磚
李文恭公詩集卷四七言律詩
九
獨我倚闌問明月照人骨月幾時圓

病中書感

淒清紙帳月明間
鷲地相思獨掩關
夜坐焚香虛繡几
夢醒推枕憶雲鬟
少年可惜偏爲客
善病無聊願早還
數徧江城好花朶
依然梅訊念家山

逢殷五谷泉話舊感賦

托鉢圖參畫裏禪
蕭齋清話感淒然
地于巴蜀探奇勝
天要艱難鍊少年
浮生涯易飄泊佛家香火重因緣

談深忽觸心中事十丈愁絲落酒邊
瞬息流光又歲殘去年今日雪漫漫離家未慣如嬌女
伴食爲名勝拜官大小山前期努力晨昏堂上勸加餐
臨歧忍向閨中別淚雨分明捧袖看
難得論心入九人更闌燭炮酒行頻者宵快叙團圓樂
異姓真如骨肉親夜雨巴山游子夢暮雲潭水古詞春
兒時愛唱陽關曲聽到離筵便黯神

悵望音塵日幾回琴絲撩亂壁間灰乍嘗熟刼都無味

李文恭公詩集

卷四

七言律詩

三

恐惹虛名願不才頗悔我原情字累獨憐君是故鄉來
扁舟十月荆江道一路梅花開未開

留別陶雲汀師

特荷一恩綸晉外臺去思碑聳石城隈法能運意安民
隱心以推誠策衆材已見文翁憑軾化何時章相擁旄
來朝

天從此乎心簡卿月光明一鏡開

壺漿千里盡攀輪况我依依絳帳親立雪敢辭盤棧路

望雲深念倚閭人將歸黃雀仍銜惠乍賦驪駒自愴神
惟願東風傳吉語宜男草茁謝庭春

舟發重慶

臘鼓聲中釀雪寒渝江水落不成灘獨攜歸棹歲云暮
久住他鄉別亦難枕上詩情三峽遠春前風信一帆安
遙知幕府開尊夜定對椒盤憶舊歡

晚泊關溪

關溪清淺扁舟橫水村厯亂催寒更燈孤黯黯作燐火
李文恭公詩集 卷四 七言律詩 三
人靜駒駒聞睡聲瞑目微參入定法驚心細數還鄉程
船窻竟夕不成寐細雨灑篷潮暗生

宜昌舟次

夔陵東下水潺潺千里行人一棹遲峽口雲封魚腹壘
江心天劈虎牙關遙聞笑語傳鄉縣却訂歸期報故山
此夕歐陽亭小泊灘聲猶在夢魂間

荊州道中

拍拍春波水上鳧夕陽江口片帆孤山光遠出紅花套

天影平分青草湖南向冕旒趨萬壑東流襟帶接三吳
白衣莫話前朝事艣曳殘聲怒有無

雨中望岳陽樓

一碧湖山艤棹看岳陽此日正春寒曉烟漠漠迷城郭
夜雨瀟瀟怨芷蘭雲樹接天荆口遠魚龍吹浪洞庭寬
何時更醉巴陵酒閒倚飛樓縱大觀

重陽前一日自題蜀游詩冊

黃菊花前酒一杯閒繙舊稿獨徘徊嘔心不落恒畦想

李文恭公詩集

卷四

七言律詩

五

生面重尋別徑開三峽雲烟張粉本一江風月借奇才
年餘稍喜詩情健曾向夔門險處來

秋日偶成

車馬聲中有做廬年來結習漸消除自無長策聊工病
生亦庸才喜讀書清影平分千个竹晚香細剪一圍蔬
聯吟絕好閨中友解用推敲我不如

雜感

倚劍雄心次第捐昌披了烏尙依然懣情稍喜時瞻佛

拙飲何妨強學仙，熱不因人差免俗。病能無欲卽延年，
簞瓢陋巷尋真樂。只少顏回負郭田，
賃廡三間鎮日扃。蠶鹽生計太零星，文非售世原無益。
藥爲醫愁總不靈，愛結蓮花參卍字。偶繙貝葉讀金經，
蟬癡螳點紛紛者。一笑徒存傀儡形。

楊芝樵移居城東走筆誌賀

結廬何用避車塵，小小簾櫳點綴新。寒士移家無長物，
先生入市亦高人。圖書典重聊隨隱，藥裹香濃不算貧。
李文恭公詩集 卷四 七言律詩 三

從此千金懸肘後，城東一帶杏林春。

此地偏于舊雨宜，蓑裳咫尺鎮相隨。勤修食譜原非俗，
故却廉泉亦太癡。竟有芳鄰如我輩，更無餘瀝丐羣兒。
夜遊秉燭今番樂，大酒肥魚醉不辭。

贈熊雨樓

正苦匆匆歲事催，相逢聊復笑顏開。半肩行李擔秋去，
一笠蕭騷冒雪來。如此清談曾幾日，同消殘臘又今回。
人間天上團圓樂，霜月分明照酒杯。

酒闌起舞爲君歌歌罷鳴嗚喚奈何依食肯安牛驥皂
棲枝難覓鳳鸞巢已經壯歲猶飄泊卽論微名亦坎軻
信否詩魔能作祟窮愁莫更費吟哦

日月跳丸瞬息忙雲龍角逐憶歡場捉襟原憲貧非病
脫帽寬饒醒亦狂幾許雄姿消棧豆重游舊院感滄桑
懷人忍聽山陽笛破壁昏燈古寺傍

鴻泥何處不勾留無那天涯倦遠遊入世漸多兒女累
依人空爲稻粱謀鳩藏片羽營巢拙蛾感雙眉銜嫁羞

李文恭公詩集

卷四

七言律詩

十四

擬借君才作天問前程可許望封侯

一笑

一笑蜨螂負重勞乾坤汗漫任吾曹瓶無積粟神偏王
囊有餘錢夢亦豪酒半酣呼澆磊塊詩中變體禁牢騷
須知鴻鵠凌雲志不數尋常燕雀高

歲除雜詠偕笙愉作

獸鑲雙啟赤瞳矐狀貌我我繪色工似汝神明真乞相
傍人門戶尙英雄兜鍪射影懸初日繡斧森芒對晚風

立地長年開冷眼看他趨避太忤忤

門神

碧盃瓊糜暈未消餽餽遺製手親調聊將投漆論賓主
剛好含飴樂歲朝臘日香分菰米粥春風暖入杏花簫
輸他白傅耽佳味一碟相如伴酒瓢

膠牙餈

千聲白雨沸如雷歲事崢嶸斗柄回幾處草生先有約
明年花早不須催儺翁酒醉三搥散青帝旂開一隊來
尙向楚王宮裏聽舞衫撩亂鬢雲頽

細腰鼓

除夕懷人詩

李文恭公詩集

卷四

七言律詩

五

乙亥丙子兩載予寓都司街東吳瓊仙寓其

兩家過從無虛日每至除夕輒釀錢沽酒

同醉今忽忽成往事矣言之慨然

東頭賃廡劇蕭條賴有西鄰慰寂寥語險驚人狂欲死

酒酣吞海渴難消屢從更盡留殘臘不管春來坐一宵

蹤跡頗嫌頹歲懶孤檠短榻住僧寮

戊寅歲暮予患鉅創幾不起得舊友張雲岩

引芝樵至投藥一劑而精神霍然時除夕更

賤子呻吟一息存

感君中夜欵柴門折肱早入三醫室

執手潛驅二豎魂秤藥明朝才健飯銜環幾載未酬恩

便思對飲屠蕪酒往事從頭子細論

已卯除夕予隨雲汀師寓成都時啟事填委

谷伏几作答漏三下事未竟師掀髯浮白猶促

令宵神口作餞歲詩其風雅如此無

車馬勞勞逼歲除曾隨嚴武客成都墨花香散春風暖

李文恭公詩集 卷四 七言律詩 美

畫鼓聲稀蠟炬麤立授千言防脫腕吟安五字畧撚鬚

今宵皖口開清讌鴻雪因緣肯憶無

答友人言志之作

萬窠區分衆妙該試將位置靜中推膏梁醉夢原非福

藻繪詞章不算才大隱自然甘淡泊英流一半起蒿萊

龍伸螭屈渾閒事傳語同人莫浪猜

頭巾巾舟中曉起對雪中

忽覺前山失翠微江天破曉雪霏霏玉龍十萬戰方怒

畫鷁一雙寒不飛絮舞迴風春淡蕩梅遲古渡夢依稀
征程耐冷原無味欲泝寒流轉舵歸

海波能滌旅愁無攬袂高歌擊唾壺百里雲山遲片羽
九秋風雨泣遺珠况逢佳節難爲客不耐窮途悔作儒
盼到桂花開又落眼前隨意插茱萸

堂堂歲月益崢嶸匣劍沈鏃夜不鳴得雋競夸唐貢士
依人猶是魯諸生文章自以科名重時數難憑意氣爭

李文恭公詩集

卷四

七言律詩

七

羨煞鹿車偕隱樂少君可許遂歸耕

幕下何當置此身雪泥蹤跡本前因鄉關共照一輪月

吟帙俄生三斗塵但有形骸難免俗倘無僮僕更誰親

寒宵却憶同心友天遣詩人一例貧

聚如花鳥散如烟萬事乘除只偶然舊夢已驚塵海幻

新知才結酒杯緣不爭磊落輸豪士便擬清狂列散仙

十上秦書東高閣消閒一卷養生篇

卽席贈鄧容容少尹並送吳香圃之長沙

篆影茶香杳講中捲簾相對話西風名花入座詩宜雅
巨螭堆盤酒亦雄薄宦心情如水淡書生事業尙冬烘
明朝又送吳郎別湘上烟波感斷蓬

登資陽城樓

資陽一帶水盈盈蒼翠如環擁石城兩岸危峯飛塔影
半江柔艣泊船聲荒亭日落裴休宅故壘風淒魯肅營
遙指前程通虎渡荆門雲樹接天橫

白鹿寺

李文恭公詩集

卷四

七言律詩

三

蕭寺飛來何處鐘蒲牢一吼起潛龍荒碑雨蝕前朝字
老樹秋蟠太古容徑僻自由蒼蘚合山深時有白雲封
頭陀散盡無人識誰與啣花覓舊蹤

答秦半魯寄詩並索箋紙

斗酒狂歌亦壯哉驚人奇句破空來纖毫欲辟千軍壘
此腹真儲一石才湖海豪情君獨得瀟湘生面我重開
山齋故紙都書徧更乞雲藍五十枚

書長生殿劇後

戈馬忿忿起范陽猛聞鈴語喚郎當凭肩有誓同牛女
掩面無端作帝王自倚翠華甘謝錯可憐黄土竟埋香
金釵鈿合須臾改莫再含情問上皇

羅襪淒涼墮玦灰洗兒錢枉售疑猜誰傳宮禁點籌事
幾見賔王草檄來一死功能扶社稷他生籍已注蓬萊
聽歌暗灑青蓮淚曾醉沈香舊酒杯

卽席有贈

一顧當筵識舊因瓊瑜席地起香塵曲中許我稱知己
燈下看卿似美人誤墮梨園同小劫羞隨錦帳效橫陳
幾時重返仙源住流水桃花自在春

再贈

鸞篋猶共舞筵爭又向騷壇問四聲俯首願稱詩弟子
畫眉宛肖女門生歌繙舊譜調冰柱字換新腔引玉笙
羨爾解人鸚鵡慧牙牙學語易分明

對酒

長鯨一吸酒如泉仰屋酣呼醉欲顛奇想徑須焚筆硯

多情偏要學神仙，羞將挾策干時輩。恨不封侯及少年，
著我羈縲緣底事。夜闌搔首問青天，
眼前睥睨傲羣公。昨夢驚看海日紅，世事登場原傀儡。
書生放步卽英雄，蛟龍卷甲藏霖雨。雕鶚梳翎待朔風，
畢竟唐衢非俊物。向人垂涕哭途窮，

期會春酒半寄秦半魯

君家西頭我東頭，一日不見如三秋。雁聲入雲月黯黯，
鴉點上樹風颼颼。坐別膏煤照漢史，醉澆磊塊傾江流。

李文恭公詩集

卷四

七言律詩

三

短衣匹馬肯會獵，天明射虎南山邱。

曠坐寄勞辛陔

曠坐寄勞辛陔，
曠色蒼茫暮掩關。蕭齋幾許破吟慳，身非宿士且隨隱。
心與古人相對閒，讀舊書如歸遠客。坐重簾似住深山，
春風吹綠庭前樹。漸解低頭識笑顏，

夜大雨作

雨淋鈴響到天明，搢枕匡牀夢不成。險東夔巫鬥江勢，
隱排雪霧走雷聲。萬竿修竹筍新折，一徑荒苔草怒生。

寄慰三農田水足扶犁及早事春耕

雨霽

遠霽全開嶽麓峯浮嵐疊翠晚來濃日光射地猶乘霓
雲氣騰天欲化龍菜圃鋤鴉雙屐滑秧畦叱犢一犁鬆
銜杯醉指西生月照送闍黎野寺鐘

小飲贈內

一天雪霰晚蕭蕭和雨和風上柳條低放重簾溫斗室
細斟佳釀度春宵繡衾寒重衣頻覆藥餌香濃鼎自調

李文恭公詩集

卷四

七言律詩

三

十八姨幡裁就否再遲三日是花朝

遣懷

蠻觸紛紜幾戰爭達觀何止蝟毛輕含沙蜮自工窺影
赴節蟲偏解應聲奔走事權如妾婦尋常勲業在公卿
施施久著齊人例羞泣憑誰破俗情
漸苦周旋失故吾累他長柄問葫蘆禰衡痛哭題鸚鵡
莊叟春秋感蟋蟀轉徙直疑終遣戍牢籠或恐又坑儒
雄心欲倩丹青手寫出蒼鷹側目圖

前詩質之笙愉以爲太激更賦

文人遭際古今同底事歛歛怨道窮酒味乍濃春易醉
禪機微覺佛原空清時歲月蕭閒裏曠代功名想像中
解識孔顏真意旨一邱一壑樂融融
慚愧才華薄俗稱唱隨猶幸得吟朋雲階月地成雙調
鬢影釵光共一燈細畫烏絲臨晉帙新排錦字繡吳綾
謫仙亦是蓬萊客似此清光得未曾

春暮

李文恭公詩集

卷四

七言律詩

三

花似闌珊去日長閒來拋擲好春光已拚昌谷耽吟癖
又向中山被酒狂千里生涯鴻啄粟十年家計鼠搬薑
循陔次第栽護草聊取忘憂慰北堂

荒齋

偏到荒齋日月長晦明風雨幾滄桑曲躬坐似衰年叟
低首羞同新嫁娘魚鑰晝扃高土戶鴻溝天劃寓公牆
解人剩有華胥蝶時引枯禪入睡鄉

美人

美人誤嫁邯鄲卒名士高傳悞惱歌抱恨已將椎髻了
遣愁如此黛眉何孤棲翠羽香巢冷生受紅絲歷劫磨
吹縹春池干甚事東風灑淚下情波

名士一
作樂府

羣流測海強持蠡罔元精燭四維慧業生天猶造命
大名傳世要乘時儒林學問荀楊陋經國勲猷管樂卑
識得醴泉芝草意古今豪傑在人爲

烏兔奔馳迭不休迴戈肯爲魯陽留工詩務破窮人例

李文恭公詩集

卷四

七言律詩

三

食肉先儲智士謀頗怪冬烘操月旦可憐春夢誤風流
閒來撫髀生奇感未到三公已黑頭

贈羅京江

我已豪情漸掃除君猶傲兀卷懷餘鼎鐘傳世尙奇節
風雨閉門真讀書人畏直言同汲黯天生大勇敵專諸

壁端自倚干將銳肯信純剛繞指如

觀音閣晚步

偶乘清興叩禪關屈曲河堤自往還尊酒無聊邀月醉

晚鐘如夢渡江閒
黑陰人立樹千尺
白羽鷺飛波數彎
正憶閨中妝乍卸
遠山偏似掠烟鬟

晚泊龍陽

一江芷水綠沄沄
小泊平沙日漸曛
窻納波光才吐月
酒含仙氣欲飛雲
者番泥爪留行客
此地絃歌屬使君
絕好運租船上坐
聽詩還有謝將軍

派源舟過桃源懷楊惺庵廣文

雲水蒼茫古洞春
一官小住欲閒身
地饒詩境供名士

李文恭公詩集

卷四

七言律詩

十四

天與桃花作主人
世外桑麻皆列土
山中雞犬亦仙鄰
飛橋隱隔清溪路
不遣漁郎來問津

伏波廟

轟轟危磯野殿尊
伏波遺像至今存
椒房寵貴曾聯戚
苡米裝廉却負恩
萬里征蠻炎海遠
半山落日火雲昏
江風向夜靈旗捲
時有神鴉歸廟門

西山

秘書何年空洞嵌
白雲隱露青巖巖
石屋重厓鄴侯架

牙籤細字仙人函案頭鱗次有魚化佛臍窪深無鼠銜
瑯環福地舊游徧更乞靈樞爲發凡

辰龍關

雄關南峙鬱雲高戰地爭傳剗削勞一線天光窺日月
百年霜氣淨弓刀龍池遠控滇荒脊鳥道斜連蜀國尻
回首雪中驅馬過萬峯頂上躡金鼇

病夜

暮色蒼茫靜掩門客窓風雨易黃昏家緣久住添離味

李文恭公詩集

卷四

七言律詩

五

人悔多情長病根醒枕夢回秋帳冷靈檀烟悄藥鑪溫
支願自覓安心法身世浮沈總莫論

病起

忽悟浮生在達觀危言幾被老莊謾誰從諷刺窺方朔
漸喜糊塗學呂端縱說法遲觀世早想成仙易稱心難
步兵白眼原多事我願逢人平等看

中秋

五年輪指長沙月每到中秋客裏看古驛雲連歸路遠

征鴻霜早寄書難青天一紙空題恨白露三更靜倚闌
只恐瓊樓最高處桂花搖影不勝寒

枕霞山館遺興

客居偃仰屋三間剩有離愁取次刪年少薄游皆眼福

日長因病得心閒繚垣曲抱青環郭藜榻橫安綠枕山

絕好蕭齋題半舫對窓只少石孱顏

予客川東時所居半舫類此

細草沿階展碧茵晚風吹縷水粼粼天生修竹宜高士

我愛名花似美人倦理儒書參慧業靜拈禪語悟情因

李文恭公詩集

卷四

七言律詩

三

除將掃地焚香外倚檻裏回盼月輪

莫哀

莫哀歌罷想王郎拔劍窮秋擊大荒國士知原負蕭相

象人遇亦感中行裸衣欲碎三搥鼓繞指難銷百鍊剛

閱盡斗筭何足算座間只許次公狂

蔡黃樓袖詩過訪却贈

獨爲中郎倒屣迎柯亭孤竹感三生對君無語神先王

賺我相思病不情別足幾增和氏泣嘔心聊竊鬼才名

西風解慰羈懷冷吹送仙樓玉笛聲

時黃樓病足甫痊
予亦適患咯血

邊徼山川忽斬新
鳩來郢曲唱陽春
胸吞雲夢不知數
手鑄韓蘇若有神
久臥尙能支健筆
少年已許作傳人

釣鼈客未騎鯨返眼底何如現後身

黃樓有太白後
身印章故云

洞庭南北各分居
猶記武陵返棹初
衣上峽雲千疊重
枕中江月半輪虛
詩情跳脫重關外
酒興蒼茫獨酌餘
一事自招黃鶴笑
未能飽食武昌魚

壯游兩度人辰陽
秋燕飛時影頽頽
人在騷壇逢大敵

李文恭公詩集

卷四

七言律詩

三

天教奇士聚蠻荒
豐城遠合雄雌劍
枉渚平分蘭杜香
寄訊長沙張子野
肯來鼎足豈詞場

書恨爲醒漁作

一幅雲藍劫火餘
墨痕零落舊樓居
綺蘭香散遺羅帕
山石風迴引翠裾
文字有緣終不偶
美人無命欲何如
唾壺血染傷心處
誤死三郎押尾書
枯楊綰住可憐春
錯嫁黔婁亦夙因
院落乍聞鶯欸客
簾波初捲燕窺人
幾曾麝串通情語
生遣珠胎惹怒嗔

麥飯淒涼寒食節更無青鳥泣紅巾
翠袖紅樓畫裏看爲誰含恨倚闌干
惺惺癡態相憐久叩叩芳心欲語難
鏡卜不諧妝合散銀燈無焰剪刀寒
早知命比桃花薄低拜花神淚悄彈
花謝花開兩不知問君香尉是誰司
任伊風妬難調護載得春歸又別離
促柱哀絃空遠調遺釵墮珥可相思
那堪漢上重回首梅子山頭月落時

和蔡紉秋見贈原韻

李文恭公詩集

卷四

七言律詩

三

南度飛鴻感夙緣重尋雪爪認臞仙
名心退似回風鷁妙句清于出水蓮
幾許荀香非舊日數莖潘鬢尙華年
客裝金盡貂裘傲誰與先生熨楚棉
勝游回首青天上我亦飢驅策馬忙
兩地關河遲遠夢十年薪水唱勞商
難忘子舍供烏養又對辰山數雁行
且喜機雲同結友長離五色照炎荒
鴻來燕去各長征三宿空桑不忍行
峻坂驅車甘曲折

中流擊楫愧平生六州枉鑄當時錯萬劫難消此段情
濡迹何辭獯獯笑願爲大鳥一飛鳴

歲暮懷歸

白雲起處望庭闈迢遞家山夢欲飛負米尙令遲歲暮
采蘭何以報春暉良辰獻壽持尊酒遊子承歡著舞衣
往事忍同姜伯約拚將遠志換當歸

片帆江上去何遲昨夜燈花入繡帷
歲光陰偏易到消寒題詠可相思
空勞錦字傳情緒不信黃金縮別離

李文恭公詩集

卷四

七言律詩

三

却指浮雲似夫壻年年臘尾盼歸期

伏雨炎曦六月船河梁分手各情牽
原鶴呼伴音常急塞鴈思歸倦可憐
已歎琴書羈遠道那堪風雪逼殘年
天涯莫漫生春草孤對池塘有阿連

呈李竹溪師

時以左遷解任

萬重宦海一帆開忽到中流轉舵回
若輩直須揮手謝此身豈爲折腰來
清閒合受林泉福儒雅原非案牘才
頗恨罡風吹弱水不教仙籍注蓬萊

名場躑躅尙心驚喘息剛從難後平
神鯉無波遭蟻鬥
元龍方蟄讓蛙鳴
文人誤墮泥犁劫
蜚語真輸草木兵
倘共世情比巖險
青天蜀道未難行

兔月羊燈事已非
蕭條官舍暫相依
應門僕散傳呼懶
乞米書沈慰問稀
午倦圍棋了殘局
春寒沽酒典朝衣
猶防薏苡明珠謗
他日南舟載石歸

抱璞空山感故知
講經久許列緇帷
願隨精衛填愁海
忍作焦奈過別枝
兩世交緣投契重
三年人愧報恩遲

李文恭公詩集

卷四

七言律詩

四

巾箱宛在銜環未
孤負黃花飼雀時

寄內

時舉仲子概

才信蘭芽句不虛
繡裳又抱掌中珠
宵分索乳憐卿共
客邸關心憶我無
靈鵲迴翔頻噪喜
嬌鸞辛苦怯將雛
桐枝恰趁春風長
爲道新名喚小梧

笙愉新正試筆有玉階次第長蘭芽

之句

月夜懷蔡黃樓

寂歷重關獨坐時
月明無地話相思
空如仙佛談何益

厄到文章運可知常恨洞庭橫水國更堪咫尺判天涯
南飛怕奏烏棲曲三匝淒涼戀舊枝

贈巖門杜時山少府

巖門管領大荒秋曉冊軍糧夜唱籌開徧蠻花如解笑
醉呼虜酒不知愁雲飛奇趣衝硯砦若風送吟聲撼戍樓
我欲異書窮萬卷與君紙酒借荊州

時山藏書甚富

時山夫婦俱工詩集中唱酬甚盛爲書一律

印床花落篆烟輕粉黛雲香小閣并屈宋衙官從古授

李文恭公詩集

卷四

七言律詩

聖

神仙眷屬本天成牽蘿補屋寒猶薄煮茗敲詩夢亦清
一樣高風數林下蘭宵我正倚雙聲

題周文泉判官詠史諸作

鼇擲鯨呿一卷開狂歌痛吸掌中杯快心論直探喉出
放膽鳴先震耳來地下韓彭同雪涕古時遷固盡銜枚
鴻渠鄭重春秋筆可惜參僚屈史才



